

BOSNA I HERCEGOVINA

FEDERACIJE BOSNE I HERCEGOVINE

PARLAMENT FEDERACIJE BOSNE I HERCEGOVINE

ZASTUPNIČKI DOM

N/ r Zastupnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 26-04-2022			
Org. jed.	Broj	Prijava	Vrijednost
01	-02-	1332	121

U skladu s člankom 153. Poslovnika Predstavničkog doma Parlamenta Federacije BiH, podnosim prijedlog:

ZAKLJUČAKA

Na Prijedlog Zakona o izmjenama i dopunama Zakona o Poreznoj upravi FBiH:

1. Nalaže se Vladi FBiH, da u roku od 60 dana, razmotri i donese Odluku o utvrđivanju prava uposlenika Porezne uprave FBiH, kojom će se utvrditi poslovi kod kojih postoje posebni uvjeti rada i postotak posebne naknade za te poslove, a shodno stavu 2, članka 12a. Zakona o poreznoj upravi FBiH. Ovom odlukom bi otklonili nepravdu i diskriminaciju prema rukovoditeljima u Poreznoj upravi FBiH u odnosu na druge rukovoditelje u institucijama i zavodima u FBiH.
2. Nalaže se Vladi FBiH da, u skladu sa preporukama Međunarodnog monetarnog fonda (MMF), u narednom periodu uskladi platne razrede i koeficijente za Poreznu upravu FBiH kroz izmjene i dopune Zakona o platama i naknadama u organima vlasti FBiH.
3. Nalaže se Vladi FBiH da u što skorijem periodu, u parlamentarnu proceduru uputi Nacrt Zakona o plaćama i naknadama u organima vlasti FBiH.

OBRAZLOŽENJE:

Državni službenici u Poreznoj upravi FBiH imaju najniže plate u javnom sektoru FBiH, zbog čega se sve češće susreću sa problemom pronalaska i zadržavanja kadrova. Samo u protekloj godini, Poreznu upravu FBiH je napustilo na desetine IT stručnjaka, što navodi i premijer FBiH u Urgenciji za uvrštavanje Prijedloga Zakona o izmjenama i dopunama Zakona o poreznoj upravi FBiH na dnevni red Predstavničkog doma PFBiH.

Nezadovoljstvo radnika je ogromno, a svi pokazatelji ukazuju na sve veću mogućnost štrajka i blokade redovnog funkcionisanja poreznih ispostava u cijeloj FBiH. Naime, radnici su

najniže rangirani u odnosu na druge državne službenike, njihovi koeficijenti i platni razrezi su najniži, bez obzira na složenost, obim i značaj poslova koje obavljaju. To je ocijenila i analiza MMF – a, koja je još 2016.godine ukazala na alarmantno stanje u pogledu plata, te dala preporuku povećanja plata poreznim službenicima od 30%.

Međutim, do toga još nikada nije došlo, tek sada se vrši povećanje naknade za posebne uslove rada za porezne inspektore, koji već sada imaju veće plate od drugih poreznih službenika, pa čak i rukovodilaca i šefova ispostava, koji potpisuju i nalažu kontrolu inspektora.

Jedna od najvećih nepravdi je učinjena upravo rukovodećem kadru u Poreznim uredima i ispostavama, uzimajući u obzir složenost i odgovornost poslova. Naime, plata Rukovodioca kantonalnog poreznog ureda je 1650 KM, a šefa ispostave oko 1300 KM, od kojih veća primanja imaju porezni inspektori koji su im podređeni, a 2 ili čak 3x veća primanja rukovodioci i šefovi u drugim zavodima i fondovima u FBiH.

Evidentno je da ponuđene izmjene i dopune Zakona neće riješiti probleme, te da one čak mogu povećati nezadovoljstvo radnika, s obzirom na nejednak tretman u poređenju sa drugim institucijama, ali sa donošenjem ovih zaključaka, situacija može biti unapređena, a radnici ohrabljani da će u narednom periodu biti u ravnopravnom položaju sa drugim državnim službenicima.

Porezna uprava FBiH je organ od značaja za javnu sigurnost, zbog čega je neophodno osigurati kvalitetno i neometano funkcionisanje, a što i jeste cilj navedenih zaključaka.

Zastupnica:

ADISA KOKIĆ – HINOVIĆ, s.r.